






1494




倪雲林先生詩集

三







倪雲林先生詩集卷之五

荆溪 寒 曦 朝陽編集

五言絕句

題臨水蘭

蘭生幽谷中 倒影還自照 無人作妍暎 春風發微咲
二月廿二日 潘子素主林明來慰藉臨別為寫
水傍樹林圖并題

積雨開新霽 汀洲生綠蕓 臨流望遠岫 歸思忽如雲
題畫與溥泉

息景憇烟霞 澄懷卧丘壑 夕暉蘇仙君 莫驚松上鶴

玄洲倡和十首 繼趙魏公張外史作

奕々三素雲團々如車盖下有采芝仙游神与天會

右茵山

玉晨啓玄扉靈篇受飛仙鍊景返洞官保真億万年

右羅姑洞

混淪青瑤流煥爛雲錦光飛軒駕神君宛在句山陽

右霞駕海

胎仙集丹臺真宰降玄居翕忽神飈散燒香礼太虛

右鶴臺

密葉蔭方壇玕林寄深合華源遠莫窮時有幽人宿

右桐葉源

步虛朝東華高嘯追遠游玄館唼妙道逍遥宴神州

右玄洲精舍

虛林想遺躅壇館廢仍存落葉蔽丹竈清晨雲氣温

右紫軒

蒼雲乘白鶴傳說手栽松山室清眠夜千岩聞勁風

右隱居松

玉標明霞秀靈炁混合成流光映金宮靈旆招萬靈

右玉像龕

題自畫

東海有病夫自云終且迂書壁寫絹楮豈其狂之餘
青林歲曲密遠水間微茫飛鷺浴鳧處人家半夕陽

夜作古木怪石因題

夜遊西園渚初月光烟白徒倚岩石下愛此林木影

雨竹

雨過瀟湘渚風生渭水波暮窓揮醉墨翠霧濕烟蘿

竹石圖

雨過黃陵廟風生湘水波當時却帆處苔石倚喬柯

寄友

風雨暮蕭蕭。高人共寂寥。何時截相玉。踏月夜吹簫。

題盃

荆溪山水勝不到十年餘蔣氏遺基上寒藤學草書

菜圃

食菜雖云美茶苦薺自甘猶勝高陽徒羶葷自飫酣

題秋亭曉色圖

園林夏雨歇旭日照蒼苔誰見竹亭裏孤坐興悠哉

春江獨釣圖

春洲菰蔣綠江水似空虛望山以高咏意釣不在魚

墨竹

明月臨虛幌疎篁舞翠鶯獨吟苔石上霜葉媚天寒

六言絕句

題良常草堂圖

結屋政臨流，水開門巧對。
長松為待神，芝三秀移居。
華蓋西峯

題畫

舟泊溪流曲，鳥啼烟樹重。
獨思白鶴貴，址好居。
五老雲峯

田舍

暎水五株楊柳當窓，一樹櫻桃洒掃石間。
蘿月吟哦，琴裏松濤。

山鳥下窺窓牖，春風時過柴門。
避世何須鄭谷作書，已絕巨源。

為曾高士登湖山舊隱

厭聽殘春風雨卷簾，坐看青山波上鷗。
浮天遠林間，鶴帶雲還。

南村草堂

雲溶溶兮覆渚波，剡兮侵扉魚群泳而自樂。
狎鷗馴以不飛。

雲溪佳處

誰覓雲溪佳處，渚花汀竹迷藏。
去鶴原邊倚杖浮鷗。

波上鳴榔

題竹圖

黃陵廟前雨過邯鄲谷口風生愛殺山人清致縱橫

淡寫秋聲

題畫

畫溪頭喚渡銅官山下尋僧水榭汀橋曲々風林

雲登層々

己酉八月廿六日謾題

田父聊同尔汝狂夫漫問如何昔日揮金豪俠今朝
苦行頭陀

題溪山雪霽圖贈張以中

水影山容黯淡雲林細篠蕭疎誰見重居寺裏雪晴
沙際吟餘

題畫

雨過黃陵廟下雲生玉女井邊野雉雌鳴斜日鷓鴣
啼破林烟

月下參差双玉灯前蕭散孤鴻寄興只消毫楮寫懷
不用絲桐

竹上誰彈清淚如鉛春雨斑々滿眼湘江波浪望窮
白鳥飛還

高樹長松共晚蒼筠野石同貞珎重王家公子翩翩
白鶴神清

高柳喬柯小閣水光山色衡門未老作閑居賦無錢
對北海樽

孝侯在廟前雨過畫溪頭日曛田迹如今夢裏春風
愁亂行雲

燕乳一首

燕乳雛成竟去寫悲影隻難双借問榮歸故里何如
高卧北窓

畫竹

珎重黃華父子遺風得似洋州松雪于今寔在房山
去後休々

我愛焦君味道筆端點綴清新規模虎兕早歲未窺
北苑入神

贈潘仁仲

瓶內花簷白萼庭中池養金魚馴虎只憑丹竈活人
惟留素書

倪雲林先生詩集卷之六

荆溪 蹇 曦 朝陽編集

七言絕句


村居

疎梅兩榻花香寂
桐陰研席涼恠底林間金彈
子枇杷都熟不知嘗

絕句四首次九成韻

我別故人無十日
衝烟艇子又重來
門前積而生幽
草牆上春雲覆綠苔

斷送一生碁局裏
破除万事酒盃中
清虛事業無人



解聽雨移時又聽風

沒逕春泥不出門山烟江霧書長昏槽床舌雜茅簷
雨破却陰寒酒自溫

鄭子論詩冀北空晤言千里意常同待晴紫陌堪縈
手行咏山光水影中

至正十四年二月廿五日雨郊君九成賦絕句四
首云杏花簾幙看春雨深巷無人騎馬來獨有倪
寬能憶馘昏躡履到蒼苔春色三分都有幾二分
已在雨声中塙東兩箇桃花樹恨殺朝來一番風
十日春寒早閉門風二雨三怕黃昏小齋坐對黃

金鴨窺窰沈香火自溫春寒繡病頭風惆悵年華
水同世事總如春夢裏雨声渾在杏花中倪瓚留
宿高齋篝灯為寫春林遠岫圖并次韻四詩題盃
上時夜漏下三刻矣佩韋齋中書

絕句三首

秋水清空似泚槎此生汨沒似無涯蕭關堂上收書
坐八月芙蓉始着花

芙蓉花下坐鳴琴疑在湘江斑竹林翠節霓旌烟雨
濕秋來江水不知深

岳生孫子家清顛素老彈琴和澗泉一簣松肪初釀

得贖將醉尔竹林前

畫贈馮文仲

知君近住西湖曲湖水淪漣似輞川窓下青松高百
尺時々落雪滿琴絃

寄安遇

隣家借得酒盈罌飯留君午不羨僧夏安居餘半
月重来相与說無生

題玄會庵壁間

風雨繁愁夢不醒紫薇花發渚南亭望中迢邐孤烟
起白鳥飛來莽將青

追和戎昱寄許鍊師

雲霧軒窓倚半空少霞銘屢識新宮遥看一片秋山
色鶴影裊袖明月中

双井院前小立

山色微茫好放船秋蕖野水夕陽邊西風更洒菰蒲
雨羨尔沙鷗自在眠

雨晴

江上白蘋風起波冷紋紫碧莫烟和織成一幅鴛鴦
錦零落紅衣遠恨多

王季野示余米元章詩卷因次韻

謂然點也宜吾与不利虞子柰若何鴻雁不來風嫋
嫋庭前樹子落杪權

吳松江只蒲葑綠金井峯仍縹緲青說与弋人何慕
我高飛鴻鶴杳冥々

大姚湖水白生烟長物都除絕世緣笙鶴不為歸鶴
怨王生真是勝丁仙

題竹樹圖

海中鈿網珊瑚樹石上銀鈎翡翠梢烏夜乱啼江月
白檀栾飛影下窓窻

江邊樹影墨模糊江上青山日欲晡野思悵然無晤

語時來臨水照眉鬢

次韻曹都水

水品茶經手自箋夜燒綠竹煮山泉莫留樵客看棋
局持斧歸來幾幾年

蕭關館裏挑灯宿山剝重敷六尺床隱几蕭條聽夜
雨竹林烟幕煮茶香

惠麓小隱

錫麓洞前開竹扉孟公舊築草堂基已倩王維圖別
業更泛裴迪賦新詩

次韻春雨

鷺啼花落罷琴尊山郭鳴鍾靄已昏莫嗔野鹿當羅
逕只有春風到華門

青林微雨見東臯
飛百勞
可憐柳絮浮春
水無渡紫空百尺高

黯黯春雲暝戶輕
綠蕪斜日忽開晴
依微野迳泉侵
盡風落桐花遠思生

桐葉題詩憶君處
望春惆悵夕陽沈
憂來蝶夢飛烟
草黃髮蕭蕭曾不簪

水仙花

曉夢盈湘水春翠乳
白鳳照江濱
香魂真逐冷風

散僂學子黃初賦洛神

絕句

醉喚吳姬舞踏
楚風欄花陣亦回
旋愁生細雨寒烟
外詩在青蘋白鳥邊

拜石圖

未章愛硯漫愛石
探瑰挾竒久為癖
石兄足拜自寫
圖乃知顛名不虛得

賦宜遠樓

宜遠樓前春可憐
數峯依約亂流邊
若為倚劍空峒
外回望齊州九點烟

別潘先輩

君來烟草正淒迷，君去溪頭柳葉齊。
桂席中流竟東上，莫重回首向荆溪。

懷曹都水

荆蛮野褐最清癯，怕與高人話別離。
記得解携雙樹下，風帆日短淚垂垂。

贈墨生吳善

銅官山下白雲亭，澗底長松長茯苓。
傳得潘生燒墨法，墨成持贈寫丹經。

宿玄文館

玄館清虛五月初，疎簾珠簾看瀛洲。
窓前種得青桐樹，時有鳳凰栖上頭。

奉答范徵君雲林見懷

想見兩池春溜滿，唯應開院綠苔生。
落盡櫻桃花發，輕舟歸去看春耕。

三月五日為吳溥泉登窠石平遠并詩

地僻林深無過客，松門元自不曾開。
展將一幅溪藤滑，寫得溪陰數點山。

為原道題登

二月東風溪水綠，幽林脩竹影參差。
杖藜日夕溪西

路魚鳥相娛只自知

題張以中畫

密雪初晴僧舍深
地爐活火酒時斟
張家公子清狂甚
冒冷看山意不禁
今日披圖感慨深
與君對酒若為斟
重居寺裏松杉合
却火兵灰已不禁

吳采鸞像

誰見文蕭逐采鸞
碧山蘿月五更寒
猶遺寫韻軒中迹
留得風流後世看

用陳子貞韻題畫

仙居乃在惠山東
悟者方知色是空
却坐西岩双樹下
玉笙雲裏度冷風

舟過梁溪

蕩槳清溪欲盡頭
亂山出沒暮雲稠
便當濯足聊停棹
何處飛來双白鷗

宿義興先太初上人房

初公樓上雨蕭蕭
楊柳垂烟隔岸搖
何處舟人棹歌發
山長水遠望蘭橈

周將軍祠隔水近
岳鄂五庙亦東隣
百年故事誰記憶
風雨清明愁殺人

雪中折枇杷花寄吳寅夫

雪中自折枇杷花
寄城南處士家
明日雪晴定相
過兩株松下煮春茶

雪不止重寄

清夜焚香生遠心
空齋對雪獨鳴琴
數日雪消寒已
過一壺花裏聽春禽

為吳處士畫喬林礪石

山家日出無行踪
雪樹烟蘿遠且重
不見鹿眠盤石
上投壺自挂一長松

張外史素不善畫
醉墨戲寫張洞奇石頗一種

逸韻德明裝潢成卷
走筆為賦

書畫不論工與拙
顏公米帖豈圖傳
君看外史寫奇石
石醉墨依稀似米顛

重送初上人參札光公二首

西嶽欣逢初上人
妙年藻思如春雲
育王塔前禮佛
竟應脩白業益精勤

阿育王塔舍利在山氣
無雪春冬溫蓮花臺近多羅
樹中有人談不二門

對雨遣懷

數日枇杷花落盡
可恨春事到櫻桃
聽風聽雨眠三

日排遣新愁付濁醪

寄友

二月江水青接天楊柳隔江搖綠烟一夜愁心似春
雪隨風舞影落君前

次韻題高房山畫卷

屋邊昨夜春風起蔣芽荇葉生春水睡醒獨坐無人
看歷歷青山水光裏

題趙榮祿指痒馬圖次陳先生韻

韓幹真龍下筆肥銀鞍羅帕絡青絲春風碧野和烟
放誰見林間揩痒時

竹枝詞

會稽楊廉夫邀余同賦西湖竹枝歌余嘗莫春登
瀕湖諸山而眺覽見其浦溆涵沔雲氣出沒慨然
有感于中欲托之音調以声其悲歎久未能成章
也回觀斯作為之心動言宣為詞凡八首皆道眼
前不求工也

錢王墓田松栢稀岳王祠堂在湖西西冷橋邊草春
綠飛來峯頭烏夜啼

湖邊女兒十五餘烏紗約髮淺粧梳却怪爺娘作蜜
語能唱新声獨當爐

湖邊女兒紅粉粧不學羅敷春來索學成飛燕春風
舞嫁與燕山遊冶郎

心許嫁郎不歸不及江潮不失期踏盡白蓮根無
藕打破蜘蛛網費絲

阿翁聞說國興亡記得錢王與岳王日暮狂風吹柳
折滿湖烟雨綠茫

春愁如雪不能消又見清明賣柳條傷心玉照堂前
月空照錢唐夜半潮

嗷嗷歸鴈度春江明月清波鴈影雙化作斜行筆上
字長彈幽恨隔紗窓

辨髮女兒住湖邊能唱胡歌舞蹈筵羅綺薰香回紇
語白艷蒙頭如白烟

題雲林小景圖

赤城霞暎神芝秀澗裏桃花不記春何事却將山水
脚鍾陵市上踏紅塵

後數年復用韻題

憶昔舟歸雪浦濱松林瑤草欲生春閑拈逸筆畫清
思今日披圖似隔塵

題畫

青山矗矗水舒舒相見郊原霽雨初絕侶三高亭上

望人家依約樹扶疎

題棘禽筠石畝送高霞還玄元館

烟雨蕭蕭墨未乾幽禽枝上語春寒玄元館裏多筠
石飯飽臨池自在看

寄德常別駕

長洲東去有僧居狂士來遊密雪初欲覓故人張別
駕清貧猶苦出無車

愛尔作官清海濱海濤嶺雪爛如銀已占疑麥明年
喜漸有衣襦富昔民

廩食精豐養士多村童野老亦謳歌可無振厲新科

格選試能平定不頗

題畫

樓閣參差霞綺開峯峦重複水縈迴赤欄橋外垂楊
下步月吹笙向此來

題陳仲美畫次張貞居韻

杜老茅堂倚石根徃來西漢與東屯一庭秋雨青苔
色自起釣簾盡綠尊

斜日西風吹鬢絲披畝弄翰學兒嬉釣竿拂着珊瑚
樹張旂題詩我所師

連雨

三月雨声連子月五湖舟楫住南湖春愁黯黯如中
酒捲地狂風撼不蘇

吳中

望中烟草古長洲不見當時麋鹿遊滿目越來溪上
水流將春夢過杭州

為塞原道題竹木齋

踈篁古木都成老石澗莓苔亦有花
桃悶不須千日酒聊將小筆畫龍蛇

九日登華氏溪亭

茱萸黃菊稍斑斑野水蒼烟草莽間
送客歸來逢九

日華家亭上獨看山

寄曹都水

溪南山影碧簷水閣風林處同周處
廟前新漲澗數声柔艣月明中

三月廿日題所寓屋壁

梓樹花開破屋東隣牆花信幾番風
閉門睡過燕旬雨春事依是夢中

隣牆桂花盛開

扶疎桂樹隔隣牆時有飛花到石床
起近南簷看月色不須更炷水沉香

六月五日偶成

坐看青苔欲上衣一池春水靄餘暉
荒村盡日無車馬時有殘雲伴鶴歸

題寂照蔣君遺像二首

幻形夢境是耶非縹緲風鬟雲霧衣
一片松間秋色夜深惟有鶴來歸
梅花夜月耿冰魂江竹秋風洒淚痕
天外飛鷺惟見影忍教埋玉在荒村

君姓蔣氏諱圓明字寂照暨陽人也年二十一歸
于我勤儉睦雍鄉里稱其孝敬歲癸巳奉姑挈家

避地江渚又一年不事膏沐游心恬淡時年四十
有七矣如是者十一年癸卯九月十五日微示疾
十八日清晨脩然而逝甲辰正月廿四日題

正月廿六日謾題

御雲汀樹晚離人歸野渡遲睡起香銷金鵲
尾独聽疎雨打窓時

二月十五日雨作

風軒紅杏散餘霞
堤草青桃欲花
寒食清明看又近
滿川烟雨乱鳴蛙

雅宜山詩

雅宜山舊名娜如山蓋虞道園所命名然未若娜
如之名近古也施君宜之先隴在其處索余賦詩
曰為竹枝歌二首遺之以復其舊焉

娜如山頭松栢青闔閭城外短長亭來山未久入城
去駐馬回看雲錦屏

娜如山頭日欲西採香迳裏竹鷄啼南朝千古繁華
地麋鹿蒿萊望眼迷

送徐仲清還毘陵

昔年守義杭天兵季子遺風尚足徵牧守荒淫嗟未
代荒墟榛棘竟誰懲

有道揚公此駐車遺言百世惑能祛道鄉忠義埋黃
壤牛斗龍光尚燁如

六月一日吉祥庵題

僧夏安居我息機清風曰為掃柴扉身形已似松梢
鶴還有悲歌續令威

二日又題

隨宜喧寂子殘生飯飽悠々曳屣行日落吳松半江
影莫將欣厭惱閑情

十三日雨窓排悶

俗患不侵忍辱鏡道方可勝紛華兵明月無心含萬

象浮雲初不汚圓澄
雨聲蕭瑟似秋塘
淡泊紅蕖滿意香
火宅任渠生熱
惱汪法海自清涼

十六日雨晴

道畔豈患粥材罄
德獵何憂肉食無
底事甘食希厚
味曲肱飲水色敷腴

七月二十八日過丘氏林居秋風騷々然至暮
大作終夜不息因成小詩

西風楊柳暮騷々零落江雲起
怒濤坐看荷花都落
盡倚窓孤咏楚天高

松陵一首

松陵原上望長洲
綠玉平鋪江水流
好取釀為千日
酒大瓢酌月散煩憂

二月六日南園四首

雨裏櫻桃兩樹開
北風吹盡臘前梅
荒筠隅隩無多
柳細草汀洲併是香

正月已闌烟雨寒
泊舟東渚聽風湍
山長水遠鳥飛
急不是離人也鼻酸

春月寒逾臘月寒
盲風怪雨泊江干
天工自不為人
料一種春光有幾般

有子政如無子同異居
晚若馬牛風人間何物為真
實身世悠々泡影中

秋容軒

乍見芙蓉開滿樹
更憐楊柳綠含風
秋容好處無人會
都在溟濛烟雨中

碧花翠蔓引牽牛
綠竹黃葵意更幽
不用田疇三日雨
已輸穰稔十分秋

靈壁款危四五峯
杖屨細弱未成棊
種籬西面雲千畝
牛背時聞一笛風

村泲根本妙蓮華
供佛燒香汲井花
独有橋東白石

更依然傾酒食蝦蟇

松雪馬畜為原道題

渥洼龍種思翻一
來自元貞大德年
今日鷗波遺墨在
展圖題味一悽然

題墨萱

落盡幽花出一枝
愛宜男草近清池
水仙唯數爨齋
趙夏卉芳妍尔更奇

二月十九日夜風雨
凄然南渚旅寓篝灯与
端板共坐因念兵戈滿地
深動故山之思遂賦

春雨春風滿眼花
夢中千里客還家
白鷗飛去江波

綠誰採西園穀雨茶

題曹雲西畫

吳松江水碧於藍怪石喬柯在渚南
鼓柁長吟採蘋去新晴風日更清酣

鷺次韻題

泛雪翻雲未足佳樓萍唼荇戲江沙
舉群此日龍歸去識得能書內史家

草青莎軟暮烟和點綴春江愛白鷺
不似貪饕誇殿飯萬錢日食未嫌多

真迹黃庭世所珍當時聊漫送鷺群
寧知雪後攻城

者使亂軍聒用進軍

雜賦絕句

恢公妙得華光法月影縱橫白尚玄
留取禪門三昧法松滋楮穎過年々

空江水冷珮珊珊去國千年始一還
身似吹笙王子晉夜騎白鶴過緱山

一色清江四面同樓居如在畫圖中
主人欲刻皆山記須得環滁老醉翁

曾傍江流築釣磯朱門華屋事都非
身如玉謝堂前燕歲々猶過白板扉

痛飲酣歌未是狂，有岐何處覓亡羊。
片羹未煎茅君酒，更醉人間一萬場。

贈通上人

惠遠深心白蓮社，湯休麗句碧雲篇。
懺摩不憚香灯供，般若仍通文字禪。
雨後春池芹細，月明寒渚竹娟。
東林門外聞鍾返，只有陶公妙入玄。

題畫竹

本朝益竹高趙李，慙愧後來無寸長。
下筆能形蕭散趣，要須習次有篔簹。

題李光祿墨竹

雲氣脩々青鳳翔，湘江軟瑟倩湘靈。
壁張此畫驚奇絕，醉倒茅君双玉瓶。

題宋仲溫竹枝

畫竹清修數宋君，春風春雨洗黃塵。
小窓夜月留清影，想見虛心不俗人。

答陳謝二參軍王長史

世故紛紛自糾纏，南山脩竹老風烟。
陳公懷抱政如此，清影蕭々月滿川。

謝公好義今猶初，不可親褻不能踈。
松陵父老猶德

尔援溺功多自不居

經年不見王內史秋夜有懷如此何澄不為清枕不

濁汪々万頃玉湖波

蕭々短髮不須冠何處繫舟雲水寬西塞山前夕陽

裏青芙蓉墮水精盤

百年苦樂孰深知何可旬月無我詩漫渠推罵与爭

席不廢鷓鴣巢一枝

題畫与強仲端

日暮移舟何處泊強家亭子水西頭惠山只在紺簾
外雨後幽泉想乱流

題靈岩寺壁

我到靈岩古寺中雲烟樓閣鬱重重今朝醉倒山前
石留取綸中挂偃松

船中

野水荒寒寂寞濱萋々芳草也知春五湖雲浪浮天
白好遣輕鷗狎隱淪

題墨竹

燈下蕭々玉一枝吳松欲雪暮寒時憑君為把青寫
尾大掃陰雲息怨咨

為德常寫竹枝

張公宅裏挑灯話對影依之夢寐同坐到夜深喧境
寂庭前踈竹起秋風

拜石圖為王文靜題

米顛嗜古命宜輕玄寶厓珎禍患并盟沐閱書私太
尉可伶諂佞小人情

清文絕俗盛名譽不記坡翁獎拔初得筆無如蔡元
度却言蘇軾劣於書

畫竹與張元實

髯翁中歲得麟兒添點雙腫玉作頤可惜空齋無楮
穎為拈秃筆掃風枝

寄張德常

聞道淮安之任去尊君今住叔考家來城又數吳松
松好過苔磯弄釣車

吳仲圭山水

道人家住梅花村窓下松壑湍石尊醉後揮毫寫山
色嵐霏雲氣淡無痕

題畫贈崔子文

性癖居幽每起遲一來溪口竟淩迷林亭曉色蒼茫
裏自送風帆過水西

睡起

睡起晴雲滿澗阿牛羊日夕下南坡浮生富貴真無
用政似絲一蟻一柯

戲贈大雲

不問羊車與鹿車無三無二一乘耶何勞費歎并言
說心悟方能轉法華

題畫竹

娟娟風枝墨未乾美人湘水逐笙鶯恍然一枕遊仙
夢清影縱橫山月寒

王叔明畫

筆精墨妙王右軍澄懷卧遊宗少文王侯筆力能扛

鼎五百年来無此君

因廬山甫便寄曹德

使者停車溪水西借我綠竹傲幽棲玉川野客尋津
去悵望孤帆意轉迷

李伯時畫

飛仙遊騎龍眠畫魚得形模也自奇白曲真人親鑿
空不須言下更題詩

畫竹

蟠虬舞鳳寒雲冷挾以明瞻光炯々世人只解說洋
州小坡筆力能扛鼎

商學士畫次張外史韻

獨棹扁舟引興長
疎林遠岫見微茫
商侯畫筆張仙句
可比豐城寶劍光

贈金嬾翁製爪萬

聞君有漏與無漏
木杓爪萬都一般
欲覓嬾翁安樂法
無生話子說團栾

環綠軒

環綠軒中古逸民
瑟琴圖史硯為隣
欲知此地多生意
試看窓前草色新

題畫贈原道

雪後園林梅已花
西風吹起鴈行斜
溪山寂寂無人迹
好問林逋處士家

與錢伯行宿栖雲堂

小龍江上栖雲室
望見石湖盡山來
與錢翁住三日
白雲妍暖滿中間

人以秋毫軒輕我
心澹然如碧淵
何期失脚墮塵網
談笑區中飽世緣

人我共三音

醉中了了夢中醒
好語狂言不用聽
莫起黑風飄鬼國
長教明月照中庭

為仲章寫竹石

沈君好古嗜尤淡，竒石幽篁心所欣。為寫雲林齋下景，月明春露濕衣巾。

次張師道韻

我愛張君真樂易，樵談農語接懽欣。每思灵石山前住，六尺藤床一幅巾。

題畫

南望銅官曉色新，三株松下茅亭何當濯足臨。前澗坐石開書相鶴經，坦腹江亭枕束書。澄清江水自空虛，脩篁古木悠々。

思何處青山可卜居

怪石足當米老拜，脩竹定是王猷栽。磊落瓊瑰雨洗出，團栾清影月移來。

怪石兩餘苔，蘚滋月明鷺尾影。參差春風忽過庭前，樹會見清陰覆墨池。

柯丹丘梅竹

竹裏梅花淡泊香，睽空流水斷人腸。春風夜月無踪迹，化鶴誰教返故鄉。

用潘子素韻題柯敬仲墨竹

古木幽篁春淡々，斜風細雨石蒼々。何人識得黃花

老弄翰同歸粉墨囊

吳松江水似荆溪只欠山光落酒危古木幽篁無限
思西風吹髮影絲

題畫

琅玕節下起秋風寒葉蕭蕭雨
中贈子仙壇翠鷺

帚杏林春掃落花紅

逸筆縱橫意到成燒香弄翰了
餘生窓前竹樹依苔

石寒雨蕭條待晚晴

野店枯槎何處園千花羞澁不成妍
竹枝嫋嫋春石
憑卧看歸鴻水拍天

落落長松生夏寒
莓苔樗散共盤桓
王謝家庭多玉樹
依然猶是晉衣冠

雨後池塘竹色新
鈎簾翠霧濕衣巾
為君寫出團栞影
喜比他鄉見似人

斑斑石上蘚紋新
陰落先生烏角巾
魚得兩枝初雨後
可憐清興屬幽人

為寫新梢十丈長
空庭落月影蒼蒼
王君曾吹冰霜凜
剪燭談詩夜未央

舟過松陵甫里邊
幽篁古木尚蒼然
何人得似王徵士
靜看輕鷗渚際眠

逢着鄉人朱伯亮朱絃披拂共南薰
研池雨過添新漲特為濡豪寫墨君

右臨青嶂左澄江未覺羲皇遠北窓安得
茅君酒斟酌幽人許致玉瓶雙

喬木椽篁倚蒼石故家遺業捲成灰
二喬憶嫁周公瑾尚有枝孫氣不衰

寄陸鍊師

忽憶南湖陸鍊師若為湖上住多時
明朝擬望仙帆至好買松鱖作膾絲

寄張處士

江邊楊柳綠絲烟影落清波
万里天處士時時鷺曉夢門前
椎鼓發鹽船

題幽篁古木畫為文靜徵君賦

環慶堂前翠竹多雨昏侵石樹
交柯不進畫溪頭路柰此春宵
月色何

題李遵道枯木竹石

我識黃崑李使君墨池詞氣
靈如雲莫言但得丹青譽曾
有人書白練裙

寄人

無室無家老更顛草衣木食
度年開春若問桃花

宿先到俞君舊宅前

題畫竹贈西溪處士

雪葉霜枝耐歲寒
櫛風沐雨不成歡
百年強健且行樂
留取清溪作釣竿

贈曹德昭

谷口桐林落絳霞
仙帆初泊野人家
蕭閒館裏青苔合
看到塔前芳藥花

題畫贈單君

單君子達荆溪住
不到荆溪已十秋
古木幽篁苔石路
每經行處思悠悠

贈沈掾

蕭蕭白髮沈休文
問舍求田江水濱
此夕一杯成酩酊
淋漓醉墨氣如雲

寄王簿

容愁醉似未招魂
老去情懷孰與論
詩寄向容王主簿
憶浸白壁達天門

太白嘗漫金陵泝
流過白壁山
說月達天門賦詩

寄向容王主簿

順逆

順逆推移莫變嗔
白雲終不染緇塵
世情如火心如

水屋裏須教有主人

次韻題黃子久畫

白鷗飛處碧山明
思入雲松第幾層
能畫天痴黃老子
與人無愛亦無憎

烟鶴軒二首

烟鶴軒前枕石眠
一声清喚落江烟
攬衣起望行雲急
遠思憑虛忽欲仙

楓落吳江雲雨空
戛然鳴鶴紫烟中
坐看雪影橫江去
明滅寒流夕照紅

林宗道新聞小軒南望平蕪烟樹眇然有千里之

意回名之曰烟鶴蓋取韋刺史遠水烟鶴唳詩語
為賦二小詩著軒中

贈張德常

老疾吟哦張判官
僦居江海覺心寬
好乘黃鶴風埃表
萬里雲霄一羽翰
齷齪疲鴛飲斲餘
鞭笞喘汗駕鹽車
騏驎已老終超逸
不受金羈去玉除

客舍詠牽牛花

小盤承露淨鉛華
玉雪依稀染碧霞
弱質幽姿娛我老
傍人籬落夢秋花

調玄度

江渚荷花落日紅
登簷欄檻納涼風
何人得似張公子
詩在烟波眺望中

清明後題

野棠花落又清明
楊柳青
人耦耕春物闌珊成底
事半江疎雨暮潮平

再用前韻呈錢思復

目斷青山白鳥明
姑蘇城下有人耕
越來溪水流遺恨
嗚咽聲中似不平

再用韻

春泥滑々暮霞明
苔滿石田那可耕
眼底絲毫詩可遣
曾中翠律酒能平

霍盈軒西為藥飲紅
矣戲成絕句奉呈雪林隱
君求折二枝

塔前紅藥無人摘
彩翠籠烟溪水南
為折一枝和瑞露
小窓卮酒咏春酣

聞鴨鵝

林影曠々鴨鵝聲
歐陽詩句最關情
登簷宮燭朝儀早
歌枕船窓憶太平

四月七日雨

水宿風行冬浸春汀花汀草思紛：泊舟無賴終宵
雨夢入蒼梧萬里雲

追和蘇文忠墨蹟卷中詩韻

脉々遠山螺翠橫盈：秋水眼波明西北風帆江路
永片雲不度若為情

雨挾江潮來浦口霜凋木葉見山尖寒波曾照飛鴻
影鬢雪朝：占恨添

風雨翻江夢裏驚忽思風馭絳霄翔世間那得麻姑
爪痒處祀搔憶蔡經

湖邊窓戶倚青紅此日應非舊日同太守與賓行樂

地斷碑荒蘚卧秋風

奎章閣下掌經綸清淺蓬萊又幾春三十六宮秋寂
寂金盤冷露泣仙人

蔡公閩嶠雙龍壁蘇子儋州萬里船何似歸田虞閣
老醉吟清浦月娟

嗜酒狂吟秃鬢翁華陽壇館百花風晚年傳得登真
訣歸卧南山澗谷中

窓裏晚山眉翠重汀前秋水眼波明白鷗飛處循歸
路眇々新愁故國情

別陸氏女

去住情悰兩可哀
天公與我已安排
前途恐有寬闊
地未信狂夫事
七年

題畫

海鷗何事更相疑
野老如今久息機
旅泊一篷南渚
上雲濤烟樹影
依微

六月九日過以中野亭賦

豆苗引蔓已過簷
荇葉團團菱葉尖
野亭中間坐至
晚窓前竹影月纖纖

雨後

雨後空林生白烟
山中處處有流泉
因尋陸羽幽棲

處獨聽鐘舌思惘然

題畫贈王允同

湛湛綠波春雨裏
娟娟翠竹晚風前
此中著得玄真子
一棹夷猶獨醉眠

桐露軒前月滿窓
竹聲樹影落春江
青苔石迳無人迹
坐待歸來白鶴雙

江上

石侵春雨林間蘚
竹帶沙汀日暮烟
江上清陰隨月
落船頭白鳥傍人眠

二王遊騎苗

每憶開元全盛時五王遊騎日追隨
鶴鷄原上雙兄弟挾彈荒郊想鳳池

謝筆

陶泓思渴待陳玄對楮先生意未宣
何似中書二君至明窓脫帽一欣然

聞竹枝歌因効其聲

鈿山湖影接松江橋葉青
柿葉黃要寫新詩寄音信西風斷
鷹不成行江流不住楚山青
船到潯陽幾日程不忍寄將
双淚去門前潮落又潮生

高尚書畫竹

石室風流繼老蘇黃華父子亦敷腴
吳興筆法鍾山裔只有高髯不讓渠

看花仕女圖

畫圖常識春風面雲霧衣裳楚
裁為問人間春幾許石欄西畔牡丹開

剖瓜仕女圖

月弯削破翠團圓六月人間風露寒
誰覓東陵故侯去但知華屋薦金盤

王都事家聽周子奇吹笙

隔水吹笙引鳳鳴十三聲外柳風清風流自有王子
晉留取清樽吸月明

趙魏公蘭

天上宣和落墨夜
彞齋松雪擅名家
遙看蒼雪山如玉
雪後春風自茁芽

管夫人畫竹

夫人香骨為黃土
紙上蕭蕭墨色新
淒斷鷗波亭子
上鏡臺
寫影暗凝塵

樹石小景

嘉樹幽篁澗石隈
當年曾此好懷開
如今寂寞空山

裏誰復緘情折野梅

墨梅

幽蘭芳蕙相伯仲
江梅山礬難弟兄
室裏上人初定
起靜看明月
寫數榮

題雜畫

白雲孤鶴莫知還
船泊錢塘看越山
珎重今朝重展
卷吟詩作賦北窓間

新柳春柯未著鴉
短籬茅屋野僧家
放舟不怕歸程
晚白水田畦已有蛙

小坡曾寫鷄栖石
猶在荆溪山寺中
幾欲規摹潭忘

却可伶零落墜秋風

松瀑飛流到枕邊道人清坐不須弦王君筆力能扛

鼎用意何曾讓鄭虔

庭樹霜黃尚有陰午窓危坐自鳴琴問誰得似沈夫

子址牖羲皇見此心

題畫

荷葉田田柳弄陰菰蒲短短迳苔深鳥飛魚躍皆天

趣靜裏游觀一賞心

一代舒王不數人曾哦雪竹与霜筠雲林野思生幽

夢睡起濡豪一寫真

寄人

楊柳春風未放黃晴天孫鷹不成行忽思小謝生幽

夢芳草池塘路亦荒

懷呂君

三年不見呂高士清夜時時夢見之安得長風生羽

狀与君濯髮向咸池

寄人

秋光明可截并刀一隼橫空厲羽毛猶憶南汀繫手

屢斷雲殘日下亭臯

烟雨

烟雨空濛遠樹齊
人家樹底自成蹊
只應三月吳松尾
渚際維舟聽竹鷄

仲穆馬圖

花門舊進青駉馬
天水王孫免得真
溪上猶遺光祿宅
海寧何以久風塵

墨水仙

宋諸王孫釋大雲
清詩多為雪精神
誰言一點金壺墨
解寄湘江萬里春

絕句

要識清虛甘寂寞
何如快活地中仙
千岩万壑松窓

裏爛醉吟我石上眠

睡起晴雲滿澗阿
牛羊向夕下平坡
浮雲富貴真何用
政似紛紛蟻一柯

十月

十月江南未墮霜
青楓欲赤碧梧黃
停橈坐對西山晚
新鴈題書已著行

贈玄容

枯柳疎條栖鳥稀
歸人稚子候蒼扉
政如十月江南岸
落日西山翠影微

松澗齋

青松磧底結淒陰，老大還無用世心。
張洞西偏煮藥，竈山靈虛閉白雲深。

寄友生

周君讀書離墨山，中卧看白雲閒。
翻然遂逐雲歸去，松下草堂深閉關。

題陳惟允畫

韓公魯聰穎，師琴山水蕭條太古音。
不作王門操瑟立，溪山高隱竟何心。

春雨

春雨蕭條獨掩扉，庭柯迳篠碧依依。
莫思南渚停舟處，

霞烟柳垂陰滿釣磯。

寄王叔明

野飯魚羹何處無，不將身作係官奴。
陶朱范蠡逃名姓，那似烟波一釣徒。

寄韓伯清

何處田廬業可租，金堂玉室夢全無。
為謀蔬藥樵漁地，好在何山碧落湖。

題趙承旨墨竹用張外史韻

籊々生綃寫竹竿，愁看春雨滿空壇。
風流誰識當時意，萬里鷗波烟景寒。

晚照軒偶題

南湖春水碧於天，夢作沙鷗狎釣船。
綠樹拂簷風雨急，覺來依舊北窓眠。

簷前幽鳥自相呼，池上紅蕖暎綠蒲。
五月夜涼如八月，一窓風雨夢南湖。

醉後贈張德機

允同日夕能求畫，新酒巖茶更惜香。
獨有館中張博士，誇余弄翰不尋常。
博士今宵不用誇，竹枝嫻處風斜莫煩更把官奴。
燭且與狂吟野老家。

西家飲酒不盡歡，東家燈下坐團栾。
我儂自有一壺酒，不怕先生酒量寬。

空折花枝插滿盆，清吟清坐想盤飧。
主人欲勸松肪釀，謾道糟床尚苦渾。

誰醒宜城竹葉春，竹枝空畫損精神。
詩成不壓乾喉吻，誰道傷多酒入唇。

贈僧

清流堂上無塵事，奇石脩篁暎梵書。
長日粥魚齋鼓罷，竹窓虛寂坐如如。

題張元播扇

聽雨樓中也自涼閑停筆硯靜焚香君來為煮稽山茗自洗冰甌仔細嘗

題畫

湖水清空好放船青山依約白鷗邊忽思周處祠前路古木荒烟一惘然

畫竹贈申彥學

吳松江水似清湘烟雨孤篷道路長寫出無聲斷腸句鷓鴣啼處竹蒼阿儂渡江畏風波聽渠聲唱竹枝歌淇園青二淇水綠不似瀟湘烟雨多

青山

夕陽渡口見青山誰識其中有此關我本為樵北山北賣薪持斧到人間

原上人

上人住近西山麓左右泉聲喬木深拄杖逍遙扣門去臨池濡墨寫春陰

林亭曉色圖題贈西溪處士

性僻居幽起每逢一來溪口意凄迷林亭曉色蒼茫外目送征帆過水西

題木石贈丘志

言卷六
古木幽篁丘氏宅江波落日妙蓮在泊舟風雨留三
月卧看鳧鷖十里塘

贈伯清

市上休疑張伯清藥無二價制顏齡何當掃雪居幽
谷与我松根採茯苓

竹枝詞題登竹上二首

阿儂渡江畏風波望渠江上竹枝詞淇園青、淇水
綠不似瀟湘春雨多

吳松江水似清湘烟雨孤篷道路長寫出無聲斷腸
句竹雞啼處竹蒼蒼

題畫

長江秋色渺無邊鴻雁來時水拍天七十二灣明月
夜荻花楓葉覆漁船

偶成

紫燕低飛不動塵黃鸝嬌小未勝春東風綠遍門前
草暮雨寒烟愁殺人

荆溪秋色苗為卜震亨題

罨畫溪頭秋水明上人逸筆思縱橫雲山多少玄暉
句不道毫端畧得成

為潘仁仲寫梧竹草亭

翠竹蕭蕭倚碧梧一亭聊以賦閑居浮杯樂飲思潘岳藻思春江濯錦如

羔羊一首

羔羊跪乳猶有別林鳥返哺能無違彼我微物具至理感尔太息淚沾衣

己酉元日題徐氏南園壁

九日塵污一日清南園池水濯冠纓早上燕雀難喻大自展培風九萬程

六日題

寄居丘氏小偷開盡室逃亡夜向闌縣吏投人空里

巷挈家如出鬼門關

韋羨草堂藟

韋羨山中草堂靜白日讀書還打眠買船欲歸不可去飛鴻渺上碧雲邊

題考貞屋壁

王子五月廿七日呂君隱所余又來輕舟短棹向何處只傍清波不染埃

絕句

枕幃椰席使安舒借我飛裙意有餘更借裙拖三百日高秋還子佳書

題畫次韻

義猷才情似水清暑窓葵扇與桃笙中州父子黃華
老信是前賢畏後生

中州人物獨黃華父子詩畫逸出繡裘之表為可

尚也觀澹游此卷筆意蕭然有蔡天啓風流蓋高

尚書之所祖述而能冰寒於水者與卷後有歐陽

承旨所賦詩不揆因次第其韻丙午六月晦日

偶寓姚城江上村木如蛟舞石如鼉清風明月許元

度為余傾倒綠波軒

後二十三年為成申歲元度張君得此持以示僕

披卷如夢寐問也因接筆次外史詩韻詩已為之

泫然外史已仙去張榮祿鑑禪師不見數十年存

亡不能知尤令人悽斷也九月十一日題

正月八日宿禪悅僧舍題趙榮祿馬圖

山僧院裏無塵事夜雨灯前與不孤寒說竟無生

話更覽王孫駿馬圖

畫贈王生

白沙岸下幽人宅翠竹林中賣酒家好事江干王處
士客來為黍酒仍賒

題畫

笠澤依稀雪意寒澄懷軒裏酒杯乾篝灯染筆三更後遠岫疎林亦耐看

題畫贈盧山甫

盧君絕似米顛子品畫評詩也自佳我畫亦憎有汗汚手為裝緝挂高齋

白石先生古貌古心輕財而重義寔生于吾後之師令人晤寐不能忘但幽居默如潛逃則殊令人憤之耳昨暮辱醉中詞翰讀之洒然也因次韻希一笑

深感分嘗酒數罌醅雞聞勝駝蹄羹轟烈之兒

事莫使磨拖過此生

空宇寒之秋燕巢味談誰與共遊遨南隣雖有幽貞士默之深潛如避逃

柯丹立梅竹

山川搖落夜漫漫老木幽篁巧耐寒畫裏陳侯有佳句皎如明月映琅玕

絕句

七月三日快哉風野亭不厭酒杯空况有樽前沈腰瘦何妨醉倒田家翁
密雪時晴照日初東窓竹影寫扶疎也知江渚張高

士衲被敦二偃仰餘

七月九日一杯酒吾友王君將遠遊况有呂佳張處
士消搖江沙狎輕鷗

題畫

絕憶丹陽蔡天啓秋林淡墨意縱橫陳君筆力能扛
鼎可見前賢畏後生
湖水清空好放船青山依約白鷗邊忽思周處祠前
路古木荒烟一惘然

松雪馬圖

田寫天開八尺龍鷗波濡墨水晶宮紛二世俗爭模

做兒子門生亦秃翁

贈潘仁仲

良相良醫意活人得仁要亦在求仁能調脾肺心肝
腎不出酸醎甘苦辛

題登竹

三家市上沽村酒亥夜明灯初自酉官奴把烛我所
無幽篁乱寫非風柳

倪雲林先生詩集附錄

雜著


鶴溪先生畫像贊

家庭教子佩學詩學禮之言岩穴置身有憂國憂民之色是知克仁而壽能文而德也

趙士瞻小像贊

處乎寂寞之濱乃有悅豫之色將儒於列仙癯於山澤我知之矣豈登山臨水以忘歸貧賤不足為其憂富貴不足為其懼者非耶

陳天倪處士畫像贊



其介特孤峭非松瀑之場而能然欤其好學能文蓋嘗遊遊於草廬栖遲衡門之下鼓琴動操之間令衆山響与之俱童冠風雲以間咏遠乎莫春之初

王季野畫像贊

粹然春溫者猶有若翁素履之德容也凜乎秋清者得乎湘纍楚騷之遺風也與時上下人莫知其所存乎中也匪以吾義吾將曷造也喬木鶯鳴雲山鶴飛輕薄紛：吾何是非登山臨水聊消搖以忘歸

良常張先生畫像贊

誦詩讀書佩先師之格言登山臨水得曠士之樂全

非仕非隱其幾其天雲不雨而常潤玉雖工而匪鑄其據於儒依於老逃於禪者欤

錢唐王生思善畫德常時年四十二矣東海倪生贊之曰云々德常高情虛衷意度閑雅顧非顧長康之丘壑置身曾將軍也凌烟潤色又那緣得其氣韻耶王生蓋亦見其善者幾耳今日因過德常草堂出此函求贊且欲作樹石其旁乃先綴數語像上樹石俟它日補為之

謝仲野詩序

詩亡而為騷至漢為五言吟咏得性情之正者其惟

淵明乎常柳沖淡蕭散皆得陶之旨趣下此則王摩詰
詰矣何則富麗窮苦之詞易工幽深閑遠之語難造
至若李杜韓蘇固已烜赫焜煌出入今古踰前而絕
後校其情性有正始之遺風則間然矣延陵謝君仲
野居乱世而有怡愉之色隱居教授以樂其志家無
瓶粟歌詩不為愁苦無聊之言染翰吐詞必以陶常
為准則已酉春携所賦詩百首示余於空谷無足音
之地余為詠咏永日飯瓦釜之粥糜曝茅簷之初日
怡然不知有甲兵之塵形骸之累也余疑仲野為有
道者非歟其得於義熙者多矣

陳惟寅就屋疏

陳惟寅甫身弟惟允閑居養親栖隱吳市不恥貧賤
不樂仕進熙怡恬淡與物無忤雖過朱門如遊蓬戶
也世本蜀人其大父居五老峯下父天倪先生因遊
吳愛錫麓洞有好流水家于惠山之陽久之有少日
同舍生趙漫事招往館于其家遂復留吳市焉兵後
栖居無定居江右同邑人饒介之為之僦屋使得以
安菽水之奉而僦屋之資則非一人所办饒君素清
苦又不欲以外事累人也僕遂為之一言世豈無急
人之急憂人之憂解衣推食指廩借宅豪傑個儻如

古之人者我老杜所謂安得大厦千萬間大庇天下
寒士俱歡顏者請為諸君誦之至正壬寅十二月九
日倪瓚言

題良常草堂疏

捐捨趙榮祿正書一卷

昔王錄事寄少陵之資近代趙文敏于岳氏之助皆
有实效不事虛文今德常欲構草堂而求者柯張社
三君或宿諾而寒盟或解嘲以調笑邈求其實則罔
所知數年之間三君已矣草堂適成載覽標題重增
嗟悼捐子珙秘永鎮新居

題畫

正至辛丑十二月廿四日德常明公自吳城將還嘉
定道出甫里挾柁相就語俯仰十霜恍若隔世為留
信宿夜闌更秉燭相對如夢寐者甚似為僕發也
明日微雪作寒戶無來迹獨與明公道遙渚際隔江
遙望天平靈岩諸山在荒烟遠靄中濃纖出沒依約
如畫渚上疎林枯柳似我容髮蕭々可憐生不能滿
百其所以異於草木者猶情好耳年逾五十日覺死
生忙能不為之撫田事而縱遠情乎明公復命畫江
濱寂寞之意并書相與乖離感慨之情悼々德常今
為嘉定同知於民有惠政即昔日之良常山人也朱

陽館主蕭開仙卿倪璜言

懶遊窩記

昔司馬子長遊涉方里壯麗奇偉之觀前賢往聖之迹有以泄其懷古感今憤懣鬱律之氣史記之書既成歲之名山以俟後聖君子也宗少文壯歲好遊晚以所歷名山盡畫屋壁曰老疾俱至名山恐難徧觀唯澄懷觀道足以遊之子長雄奇之文少文神妙之畫善而猶有待又烏覩神馬車輪与造物遊鴻蒙之外者哉若夫登化人之居遊華胥之國是皆神遇豈復有待乎金君安素高卧林居慕揚許得尸解上道

乃怡神葆和內視密盼煥標霞之孤暎朗性月之獨照因名其齋居懶遊焉噫尸居而龍見不出户知天下善行無轍迹蓋神遊無方非拘于局於區域逐于困於車塵馬足之間安素仙乎道矣王方平嘗与麻姑言比不來人間五百年蓬萊作清淺流海中行淺揚塵耳孰邯鄲之黃梁歸華表之白鶴人間紛々如絮時一飛神遊眇吾固知安素不与悠々世人同一悲慨也

書畫竹

以中每愛余畫竹余之竹聊以寫胸中逸氣耳豈淺

較其似与非葉之繁与疎枝之斜与直或塗抹久之它人視以為麻為若僕亦不能強辨為竹真沒柰覽者何但不知以中視為何物耳

致環慶王氏所藏趙榮祿六帖

右趙榮祿与覺軒先生手簡共六紙有以知交誼之深家世之舊也先生學行純正為宋琅琊王仲寶之後仕至蘭溪州判官今獲觀於其孫光大之彞齋老成典刑不可沒見矣尚賴翰墨文章有以想其風流哉庚子二月十日倪瓚題

忠靖王廟迎享送神詩有序

至順元年春吳楚荐飢天灾流行連數郡道殣相望
沴氣薰襲為瘴為札錫之民咸被漸染大小惴惴無
所請命邦之遺老相与言吾邦西山之陽有嶽祠
有明神焉曰忠靖王昨齋東平生能奮忠死有遺烈
赫声耀靈福我錫民自有年矣在昔季宋大疫用禱
于神变沴為祥德載歌咏民病亟矣宜從故事乃合
群謀顯衆感卒送祠下鑼鼓鏜鈸旗纛晦靄導駢駕
以臨城南香雲漲空羣稚奔走衆心推誠祈祀惟謹
惟神顧歆來格來享若沐神水若濯冷風毆攘妖氛

民疾用瘳丕焯神化無遠弗暨隣邑之民析者踵接
環句吳四封所活幾萬人焉是神有大造於吾民也
札神能禦大雷捍大患者則祀之矧威烈若此是宜
尸祝而社稷之曰祠媿于火未災民更興復其制贖
膏以毋病致禱立愈因作迎享送神辭二章刻諸山
阿俾錫以祀之辭曰

靈皇兮兮岱宗神之來兮駕蜚龍赫蒼顏兮朱髮如
火紛羽衛兮岳嶺喋磔青霓旂兮百容裳降大荒兮
被不祥敗野仲兮遊光惠我民兮神樂康羅帳兮
雲幄湛寒泉兮瑟蘭夕舞偃蹇兮歛衣差薦芳馨子

神享之靈娛兮柰何樹紫檀兮山之阿匪斯
福斯土沐神休兮千萬古

神之去兮騷雲鑄風烈兮吹靈旗况臨風兮延佇悵

神游兮難駐神游兮翩無一氣兮周八埏朝騰駕

兮西神夕弭節兮東魯噫神往兮莫我顧民有顯兮

載福斯祐折瓊華兮遲神歸歲淺歲兮神寧我達石

羨兮兮流水壽我民兮報祀無已

樂府

清平樂在荆溪作


汀烟溪樹惹是傷心處望斷溪流東北注夢逐孤雲
歸去山花野鳥初春漁郎樵叟南洋誰識推頹老子
醉人推罵逆嗔

凭欄人贈吳國良

客有吳郎吹洞簫明月沉江春霧曉湘靈不可招水
雲中環珮搖

人月圓

傷心莫問前朝事重上越王臺鷓鴣啼處東風草綠



詞林金
殘照花開悵然孤嘯青山故國喬木蒼苔當時明月
依素影何處飛來

又

驚回一枕當年夢漁唱起南津畫屏雲嶂池塘春草
無限消魂白家應在梧桐覆井楊柳歲門閑身空老
孤蓬聽雨灯火江村

太常引傷逝

門前楊柳密藏鴉春事到桐華敲火試新茶想月珮
雲衣故家舊生兩館塵梁錦瑟寂寞聽鳴蛙芳草際
天涯蝶翅春暉夢華

殿前歡

搵啼紅杏花消息雨声中十年一覺楊州夢春水如
空瀉波寒寫去踪離愁重南浦行雲送水紋玉柱彈
怨東風

水仙子

東風花外小紅樓南浦山橫眉黛愁春寒不管花枝
瘦無情水自流簷間燕語嬌柔驚回幽夢難尋日遊
落日簾鉤

吹簫聲斷更登樓獨自凭欄獨自愁斜陽綠慘紅消
瘦長江日際流百般嬌千種溫柔金縷曲新聲低按

碧油車名園共遊絳綃裙羅襪如鈎
折桂今擬張鳴善

草茫秦漢陵闢世代興亡却便似月影圓缺山人
家堆叢圖書當窓松桂洲地微巖侯門深何須刺謁
白雲自可怡悅到如今世事難說天地間不見一介
英雄不見一介豪傑

又辛亥過陸庄

片帆輕水遠山長鴻鴈將未菊蕊初黃碧海鯨鯢
若翡翠風露中央問音信何人帶當想情懷日風
光楊柳池塘隨處凋零無限思量

水仙子因觀花間集作

香腮玉膩鬢蟬輕翡翠釵梁碧燕橫新粧懶步紅芳
逐小重山空畫屏綉簾風暖春醒烟草粘飛絮珠絲
眉落英無限傷情

江城子感田

窓前翠影濕芭蕉雨蕭蕭思無聊夢入故園山水碧
迢迢依舊當年行樂地香逐香綠苔饒沉香火底坐
吹簫憶妖嬈想風標同步芙蓉花畔赤欄橋漁唱一
聲驚夢覺無覓處不堪招

柳梢青贈妓小瑤英

樓上玉笙吹徹白露冷飛瓊珮玦黛淺含顰香殘柰
夢子規啼月揚州往事荒涼有多少愁常思結燕語
空梁鷗盟寒渚畫闌飄雪

南鄉子東林橋雨篷夢歸

篷上雨潺潺篷底幽人夢故山
欄戶林扉元不開蕭
閑只有飛雲可往還波吞玉珊
一壑松風引珮環
咏得池塘春草句更闌行盡
千巖間

太常引壽葵齋

柳陰濯足水侵磯香度野
薔薇芳草綠萋萋問何事
王孫未歸一壺濁酒一聲清唱
簾幙燕雙飛風暖試

輕水介眉壽遙瞻翠微

鵲橋仙

富豪休恃英雄休使一旦繁華如洗
鵲巢何事借鳩
居數載主三易矣東家烟起西家烟起
無沒碧翬朱
啓我來重宿半間雲田製唯餘此耳

鷓鴣天

笠澤沿洄十五年親知情義日堪憐
偷兒三顧吾何
有俗士羣譏自省愆聊淩尔輩其然
田翁輕慢牧童
顛乃知造物深相与急使江湖棹去船

如夢令

削跡松陵華寓嚴密白雲深處造物已安排万事何
須先慮歸去——海鶴山猿同住

踏莎行

春渚芹蒲秋郊梨棗西風故野收紅稻簷前多背媚
晴陽天涯轉瞬蘂芳草望漁村陶朱烟島高風峻
節如今掃黃雞啄黍濁醪香開門迎咲東隣老

小桃紅

陸庄風景又蕭條堪嘆還堪笑世事茫茫更誰料訪
漁樵後庭玉樹當時調可憐南女不知亡國吹向紫
鳶簫

一江秋水淡寒烟水影明如練眼底離愁數行鴈寫
晴天白蘋紅蕖冬差見吳歌蕩槳一聲哀怨驚起鷓鴣
鷓鴣眠
五湖烟水未歸身天地雙蓬鬢白酒新菊會隣近主
酬賓百年世事興亡運青山數家漁舟一葉聊且避
風塵

憶秦娥

昨日嘗賦憶秦娥一首以介石齋前木犀感開俾
具一卮酒無使花神笑人奔宴蓋以風雨傷懷耳
茲重改呈又作一首共寫呈二君却不可默然也

扶疎玉蟾宮樹影闌干曲一襟香露幾枝金粟姮娥
鏡掩秋雲綠無端風雨兩聲相續不須澄霽為酤醪醪
參差玉笙聲莫起瑤臺曲輕風香浸夜涼肌粟黃雲
巧綴飛霞綠清吟未斷秋霖續恐孤花意倒尊中醪

江城子

滿城風雨近重陽濕秋光暗橫塘蕭瑟汀蒲岸柳送
淒涼親田登高前日夢松菊送也應荒堪將何物比
愁長綠映水送秋江流到天涯盤屈九回腸烟外青
簷飛白鳥歸路阻思微茫

蝶戀花

夜永愁人偏起早容髮蕭々鏡裏看枯槁雨葉鋪庭
風為掃開門寂寞生秋草 行路難行悲遠道說着
客行真箇令人惱久客還家貧亦好無家謾自傷懷
懷抱

壬子九月廿五日訪照菴高士留飲因書近詞求
是正之益

題雲林詩集後


鮑謝才情世不多
手封詩卷寄江波
宅邊東海鯨魚窟
好着輕舟十釣蓑

虞集伯生


題雲林先生小像

才之英德之精
坐松石儼像形
噫安得斯人予復生

天師張



天河之水清且漪
雲林泚筆寫
新詩當時碌々者
餘子上與陶
謝同襟期騷壇
荒古遠編五海
虛冊糊爰走新
商彝周鼎三千
季制度天令人
莫改春林啾々
喧百禽而獨重
此吟
美音
瓊華
羽澈
恐難
續老
我
臨
風
試
一
金



前
蹇共朝陽將以雲林詩繕梓
間以木予因綴數韻以贊之
天順四年前進士戶部郎
中同郡卞榮溪




雲林詩集後序



世之人歿齒無聞者蓋多矣然
有以道德著功名顯文章鳴挺
然出於類者為道德尚矣未易
及也功名則隨於世用詩律亦
文章流進不遇於時退而因其
才之高下或績文或綴詩或改

詞翰漆畫雖不逮建功業皆足
以有稱於世漢唐宋之偉人碩
士不暇及焉前元雲林倪先生
瓚遭此之季知其不可為也因
放跡於山水寓情於詩畫才高
一代人皆知重之今其歿且百
季遺墨之或存者咸贈與於人

口金玉於當此功名侶未多讓
視後世無聞者蓋倍從無算矣
予曾大父西溪翁至正間與同
里彝齋王先生鶴溪張先生齊
稱於時雲林恒注來翁溪交誼
既洽題詠最多彝齋之季文靜
號梅西齋藏雲林集其孫景昇

近出而輯之予得覽焉不暇追
歎然慮謄錄之將益譎而廢因
命工鳩梓用壽其傳且求詞林
宿學詩壇宗盟序其首而贊其
末庶乎先生之名於是益著云
樂正老人於南蹇曦朝陽識





近出而賴之子海覽為不特進
歎然應
命上錫
宿學
樂止
朝陽識

